



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

666

1 q.
35005

Գրառի

Մարտի 26-ին

Մանկավարժական

Սեյմինարի

Ս. Գրառի

Եկեղեցի:

Սեյմինար, 26. Մարտ 1981

Գրառի

ՀՕՔ. Կ. Միսթեան Ռջ
Գրառի շնորհից սպիտակ
փայլի, Եսթրադի սպիտակ
Կ Գրառի (Կան Գրառի) սպի
սպիտակ Գրառի:

Յ Ա Ն Ն
Ն Ա Ն Ն
Յ Ա Ն Ն
Յ Ա Ն Ն

Ե Ր Զ Ն Կ Ա Ց Ի Ո Յ

ՕՂԱՐԳԻՔԻ ԵՐԿՆԻՑ

Ա Ռ

Ա Պ Լ Ո Յ Ի Շ Խ Ա Ն



Ի Կ Ա Լ Կ Ա Թ Ա

Ի Տ Պ Ա Ր Ա Ն Ի

Ա Ր Ա Ր Ա Տ Ե Ա Ն Ը Ն Կ Ե Ր Ո Ւ Թ Ե Ա Ն

1846

3504

ԱՐՁԱՆ

ՅԱՒԷՐԺԱԿԱՆ ՅԻՇԱՏԱԿԻ

ՄԵԾԱՆՈՒՆ ԱԶԳԱՍԻՐԻ

ԳԼՈՐԳԸՅ ՄԱՆՈՒԿԵԱՆ

ԱՍՊԵՏԻ

ՈՐ ԿՏԱԿԵԱՅ ՄԵԾԱԳՈՒՄԱՐ

ՕԺԱՆԴԱԿՈՒԹԻՒՆՍ

Դ ԿԱՍՏԱՏՈՒԹԻՒՆ ՄԱԴՐԱՍԱՅ

ԿԱՅՈՅ ԴՊՐԱՏԱՆ,

ՄԱՐԴԱՍԻՐԱԿԱՆ ՃԵՄԱՐԱՆԻ,

ԱԹՈՒՈՅ, ՎԱՆՈՐԷՒՅ,

ԵՒ ԵԿԵՂԵՑԵԱՅ .

ԱԶԳԱՅԻՆ ԶԳԱՑՄԱՄԲ

ՅԱՐՈՒՑԱՆԷ ԶԱՅՍ

ԱՐԱՐԱՏԵԱՆ ԸՆԿԵՐՈՒԹԻՒՆ :

ԿԱՆԻՍԱԲԱՆՈՒԹԻՒՆ

Չորս-Թի-ն Որսնասառ Բանիցս, նախ
 Ղրորեբացս Ղրոր-Թի-ն և Ղրորգ յո-յանե-
 և սպա՛ Ղի ՚ի շարժՏանե և ՚ի շրջա-
 Գայս-Թեեե երկնի ծնանին շատանախ,
 և ինդանի, և Բասախանս՝ որս ՚ի
 շատանախի . զոր իՏասպո-նս սահՏանե Է-
 րին Բնո-Թեան՝ այս է Աստուածային
 արո-Էսպին . և սասային զԲնո-Թի-ն ծը-
 նո-նդ շարժՏան և իայանի . այսէ՛ շարժ
 Տանն երկնի, և իայանանո-Թեան երկրի :

Ե- սպա Թե ո՞րպէս Աստուածային
 արո-Էսպին և Ղրոր-Թի-ն արեբեբացս ի-
 Տասպո-ԹեամԲ, զոր օրինախոր յո-յա-
 նէ : Ե- Թե՛ զի՞մրդ իայ Կասպոսան
 երկրի, և ո՞րպէս ՚ի Պլե իայ երկնի :

Ուստի՝ և զհրեշտակն երկնի՝ և զհասարակ
 քաղաքացիս զանազանութիւնս, Բէ ո՞րպէս
 զանազանին Բնութեամբ . և զՏոլարա-
 իացիս՝ և զանՏոլար աստիճանս զկայանանս :
 Եւ Բէ զաշխարհս՝ ՚ի Վերայ երկրասան
 կենդանականի երպիցն ո՞րպէս Են Բաժանեալ :
 Եւ Բէ Տոլար աստիճանն ՚ի կենդանու-
 կերպսն՝ ո՞րպէս Են զանազանեալ Բնու-
 րեամբ և գործով . և զինչ՞ նշանակու-
 րիւնս ունին : Եւ աստ ՚ի ներքին գո-
 րիս սինեալ՝ որ է լուսին . և զեօթն
 գորիսն ասէ և զաստիճանն որ ՚ի նճա,
 և զԲնութիւննոցոնց . իմճ զինչ՞ գործ
 և արդումն նշանացն՝ որ ՚ի նոցանէ Լինի .
 և զինչ՞ օգործս ՚ի նշանացն՝ զոր յազա-
 գըս յերոց օգորի ետ ՚ի նոսս Աստուած :
 Իսկ յարեգանիկէտ՝ ուստիս զխոխումն Ե-
 զանախացիս, և զԵրեւոյս լուսաւորացիս .
 և Բէ քանի՞ Բաժանի աշխարհս, յոր քիւն
 և գիշերն՝ աճամբն և նուազելովն

Ժողովուրդին : Եւ թէ չէ վարդապետ զի-
 ն անու-թիւն ի Տասապատերացն : Եւ թէ
 յԱստուածոյ է եղեալ 'ի Բնութիւն ան-
 րեւոյն' որ վասն Տէր օգոյի , նշանք եւ
 գոշակցութեան էր-ին 'ի նոստ . եւ զար-
 օրինակս ստորագեալ էն . որ չէ զար-
 ծանք' թէ յաստերցան Աստուած զօրու-
 թիւն է եղեալ : Եւ թէ վասն է՞ զու-
 սուան ուժէ նախաստէ ոք , զոր չէ պարս-
 ասանել . եւ թէ ասանէ՞ զի՞նչ է պարճատ :
 Եւ պարճատ անձ թէ է՞ ի ստերի աս-
 րեւոյն Բան :

Եւ ասա՛ ներբողական գովեստ էր ինի
 թէ որոն շոստարօր յիճաստութիւն
 վարժէ զՏէր , զոր Բնական Օրէնք ասեճո
 Եւ ասա անլուսութեամբ եւ արոյս-
 ականութեամբ՝ զլուսնի եւ զարեգանի գործ
 եւ զի՛րոք , եւ իրար Բնութեան Տարդիան :
 Եւ թէ շոստի օրէնս էր հնոյ օրէնացն ,
 եւ արեգանի Աւերարանի , եւ աստերցան

Տարգմարէիցն : Եւ յայտ զգալի արեգա-
 կէն՝ յօրինակի աստուա Քրիստոսի՝ ի Տանալի
 Արեգակնն Արդարաւելանն , եւ զԻջա-
 նէլն ՚ի Հայրական Ժոյոյ , եւ զԲանին
 Տարօն լինելն , եւ ՚ի Կոստանն Ժնն-
 յէնէն զփնօրինակն Երգործո-ւհանն՝
 Տիւն ՚ի Տեսնակմ զաւանսն , հաս-
 արեալ էՏԻ ուղիւ յասանաւելամՏԲ , եւ
 անդ ասարբեալ :

Այս կարճատօր զօրո-ւհանն՝ որ ՚ի սՏու-
 եւ որք յաւաստիւրմար Տիւր յնէն՝ յա-
 լովս գրանէն զօրո-ւհանն ՚ի սահա- Բա-
 նիցս , ի ԲԵ յարճատս ասլով ի Տասար-
 նոյ : Այլ այս սահա- Ժանօրո-ւհանն ,
 եւ ուղօրի-տ ձերովս յանցանոյ Տերոյ
 Բողո-ւհանն :



՚Ի ՎԵՐԱՅ

ԵՐԿՆԱՅԻՆ ՁԱՐԴՈՒՑ



՚Ի Յովհաննիսէ Վարդապետէ Եր-
զնիէցոյ ՚ի Խնդրոյ Ոսոմասէր և Բա-
րեղոսի Իշխանին Հայոց Ապարտի, Բան
Ինչ ՚ի յիշարանի սիրոյ Բնագրեաց: յազագո
Երկնի և Վարդոց նորո:



ՅԱՄԵՆԱԼՐԱԸ՝ գործս Արարչին՝
որ գոյացան,
Մեծ և անեղ՝ սքանչելիք՝
ներգործեցան:
Ա

Ոմանք ՚ի տես զարմանալիաց՝
 յօրինեցան ,
 Եւ այլք ՚ի պէտս՝ լայիլչու թեան՝
 մարգկան տուան :
 Հանրական՝ արարածոց՝
 մատունք լրման ,
 Եւ ՚ի յերկեակ՝ թիւ բաժանեալ՝
 որոշեցան :
 Աշխարհ՝ սկիզբն՝ և հ՛ մուսք՝
 հաստատեցան ,
 ՚ի յերկնս՝ յանկիւնըս գիծ՝
 առկայացան :
 Նախ երկնային՝ բոլորակին,
 որ * կացուցան ,
 Մերձ առ նմին՝ հաստատու թիւնք՝
 երկրի եզան ,
 ՚ի Մովսիսէ՝ մարգարէից-
 ըն նախնական ,

* ՚ի Գողգոթեանն “ Բանի Ծառեցան ”

Այսպիսի՛ առ ձայնելով՝
անուանեցան :

Սոքա չորից տարերց՝ մասունք՝
բակզբնական ,

Յորմէ մարմինք՝ տարրականաց՝
հաստատեցան .

՚Ի չոր և ցուրտ՝ բնութիւն հողոյ ,
որ ստորացան

Տրտին և դէջ՝ բնութեան ջրոյ՝
որք խառնեցան ,

Բաղկացութիւնք՝ երկրի կայից՝
կատարեցան ,

Որ միշտ անշարժ՝ կայիւք շարժի՝
եղեղական :

Այլ և դիջին՝ բնութիւն օդոյ՝
և ջերմական ,

Որք ընդ հրոյ՝ ջերմին և չոր՝
վերամբարձման .

Նմանապէս՝ կամարն երկնից՝
խորան ձգեցան ,

Որք մշտաշարժ՝ բերմամբ շրջին՝
 անյեղական ։
 Յոր իմաստունք՝ ներհմտու թեամբ՝
 յայս վարժեցան,
 Եւ եղական՝ բնու թեան գոյից՝
 ելին սահման .
 Ասել զբնու թիւն՝ ծնունդ շարժման
 որք կայանան,
 Որք ՚ի շարժուն՝ և յանշարժից՝
 տարերց ծնան .
 Դեկօք թեոց՝ կրկին բնու թեան՝
 միշտ ընթանան ,
 Որք ՚ի ծովու՝ այս աշխարհիս՝
 †կան ՚ի ծիման ։
 Արդ շարժելով՝ բոլորն երկնի՝
 անզննական ,
 Միշտ պնդելով՝ զկայանս երկրի՝
 անզատական ։

† 'ի Գրգրեան " իմն ծիման "

Գեղեցկապէս՝ մնալով սմին՝
 հաստատական ,
 Ոչ ցրուելով՝ սորին բնութեան՝
 բաստարրական .
 Սոյնպէս անշարժ՝ բնութիւն երկրի
 որ գոյացան ,
 Ինքեամբ պրկեալ՝ պարաբերէ՝
 զերկնի շրջան .
 Երկնքումբք՝ բնական կրիւք
 անլուծական ,
 Միմեանց լինին՝ նիւթ և պատճառ՝
 || յարամնական :
 Բոպէից՝ տարերց մասունք՝
 որ խառնեցան ,
 Անքաղտի՛ լի՝ սիրով ՚ի նոյն՝
 յարմարեցան .
 Կատարեցան՝ զարդ աշխարհիս՝
 որք էացան ,

|| 'Ի Կոյմ Գրեալն " յարմարեցան : "

Յանմահ բանէն՝ արարչական ,
 որով ստեղծան .
 Նոյն Արարիչն՝ հրաշագործեաց՝
 զարմանազան :
 Ոչ թէ բանիւ՝ միայն արար՝
 անքննական .
 Ի սմին արուեստ՝ ըս հանճարոց՝
 իմաստական ,
 Եղ ՚ի բնու թիւն՝ արարածոց .
 ըս դասական :
 Ի ստորին կոյս՝ կայացեալ՝
 հող ծանրական ,
 Մերձ առ նմին՝ շարադասեալ՝
 ջուր զիճական .
 Խորանաձև՝ կամարացեալ՝
 յօդ վերնական ,
 Ջրոլորն բնաւ՝ շրջապատեալ՝
 հուր կիզական .
 Նման սմին՝ քեզ յարացոյց .
 ըս ցուցական ,

Յանօթ արկեալ՝ աւազ և ջուր՝
իւղ նիւթական :

Իիր ամանոյն՝ և նիւթ իւղոյն՝
առ վերոյ կան ,

Ներքնոյն աւազ՝ և զկնի ջուր՝
† զետեղանան :

Բոպէից՝ բոլոր մասանց՝
պարագրական ,

Օգ ընդ հրոյ՝ հողմոյ հնչմամբ՝
վերամբարձան :

Որով երկիրս՝ այս գնտաձև՝
առկայացան ,

Ի միջոցի՝ աստ մնալով՝
անշարժական :

Դ՛ սոյն և այլ՝ քեզ օրինակ՝
համանըման ,

Զձու հաւի՝ առ զաղախար-
ըս տեսական :

† Ի Կոպտոսեանն “ զԵԿԵԿԱՆՆԱՆ : ”

Շրջապատեալ՝ կեղև ըն կարծր՝
 և նիւթական ,
 Որպէս արիււոյն՝ հրեղէն կամար՝
 պարաձգեցան .
 Խորան երկրորդ՝ զկնի սորին՝
 օգոյ նրման ,
 Որ մզնաձև՝ ընդ խեճեփուէն՝
 իւր կառուցան .
 Այլ և երրորդն է՝ սպիտակուցն՝
 ջրոյն նման ,
 Եւ զեղնագոյն՝ առ միջոցաւ
 ըն զնդական .
 Նոյնպէս երկիրս առ միջոցի
 յարամնական ,
 Անսիւն ներքուստ՝ և ՚ի վերուստ՝
 անկախադան :
 Ի՛ ներքուստ՝ հողմոյ հնչմունք՝
 ընդիմանան ,
 Եւ բնական՝ իւր ծանրու թեամբ՝
 ոչ ամբառնան :

Հաւասար՝ վեցակուսի՝
են դատական ,

Չառ ՚ի վեր՝ և ՚ի ներքուստ՝
և կողմնական .

Արդ ՚ի յերկրորդ՝ աւուր ըն մեծ՝
արարչութեան ,

Յորում հրաման՝ եւ Արարչէն՝
հաստատութեան .

Յողոյ հնչմամբ՝ Չուրք ՚ի Չոոյ՝
բաժանեցան ,

Եւ հըրեղէն՝ արիւնոյն կիզող՝
դիմակ արկան .

Որպէս զի մեզ՝ աշխարհ լուցցէ՝
տոչորական ,

Սաստիկ Հրատըն՝ բոցազոյն՝
և կիզական .

Յուրտ բնութեամբն՝ իւր Չուր լինի՝
կերակրական ,

Չի մի աշխարհ՝ սպառեացի ՚ի՝
հրոյն լուցման ,

Այսօքեկ՝ երկիր միմեանց՝
 են յատկական ,
 Արագ արագ՝ շարժամբ շրջին՝
 անլուական :
 Պարտեալ՝ շրջափակեն դուն-
 դըն երկրական ,
 Եւ 'ի միմեանց՝ են հեռագոյն՝
 նոյն չափական :
 Լայնու թեամբ՝ չորեքիուսի՝
 եզերական ,
 Եւ խորու թեամբ՝ ընդ բարձրու-
 թեանն գուզական :
 Ունիս սոքօք՝ իմաստու թիւն՝
 քեզ բաւական ,
 Որով պատմես՝ գիտաւս Աստուծոյ՝
 անճառական :
 Յնծալ հողուով՝ 'ի յարարածս՝
 այս եղական ,
 Գովել զանեղն՝ 'ի յեղելոց՝
 անմահական :

Արդ մինչև՝ ցայս վայր խօսեցեալ՝
բան նախնական ,

Յաղազս՝ երկուց կիսազնդիցն՝
եռայարկեան :

Նիւթ ցանկալի՝ ուսու մնասէր՝
մտաց մարդկան ,

Որով կրթին՝ վարժմամբ բանիս՝
տեսողականս

Ուսի շարժմանց՝ զարդուն երկնից՝
տեղեկանան ,

† Եւ յարիւծիցն՝ ապագայից՝
ըզգոշանան :

Հիւսիսէսլ պատի՛ Բանից իւրգի՛
յարճարուիան ,

՚Ի զարդ զլիսոյ՝ Բանասիրից՝
յոյժ ըղձական :

Նոյն և ՚ի նշանան՝ անլուծ սիրոյ՝
եղբայրական ,

† ՚Ի ձեռագրիս պատիսին նօսրագիւրտ

Եւ մեզ յանձնիւ ըս' ժամանակաց'
պատճառ յիշման :

Այն որ յառաջ քեզ ճառեցան'
բանք նախնական ,

Յաղագս երկուց' տրամագծ իցն'
անկիւնական •

Եւ տարերացն' դասակարգի'
միջնորդական •

Եւ արուեստից' խառնուած ոցն'
յարմարական •

Այլ վերստին' դառնամ'ի նոյն'
բան ըղձական ,

Եւ սկսանիմ' յաղագս երկնի'
ըստ հետեւման •

Եւ զի անձմէք' յայս ձեռնաւրիւն'
չէ՞ք Բաւաւիան :

Ջշոգի ն Աստուած' վերահարդար'
Քչ օգնական :

Նախ զառաջին' երկինն ստեմ ,
զվերնական ,

Եւ համառօտ իսկ անցանեմ՝
անքննական

Ձոր և եթեր զսա կարգային՝
ազգն Յունական ,

Եւ հուր || թողեալ այնք որ լիզուաւ
Քարդէական

Իսկ է Հրատն այն բոցադոյն
և պարզական ,

Մարմին աննիւ թ և անչարչար ,
անհատական •

Ոչ է յու մեք , ոչ ոք ՚ի նմա ,
այլ զատական ,

Ձի հինգերորդ է ՚ի չորիցս
առանձնական •

Վարագոյր Աստուածու թեան
անճառական ,

Չգեալ ընդդէմ լուսեղինացն
անմարմնական •

|| 'Ի Կոմպոզիտիւն , Ըստ ինչու' ||

Զրոլորս բնաւ շրջապատեալ
զօրէն ձեղուան ,

Արագապէս առեալ շրջան
անտեսական .

Արգ զսորայս՝ կամլիմ թողուլ
ասել ըզրան ,

Եւ զերկրորդէս՝ սկսայց ճառել
յօժարական .

Սա կոչեցաւ երկին երկրորդ
հաստատական ,

Որ 'ի ջրոյ և 'ի յօդոյ
անուանեցան :

Ոչ պաղեալ՝ ոչ թանձրացեալ ,
այլ լուծական ,

Որպէս ըզջուրս , որ առ մեզ են
հոսհոսական .

Իսկ 'ի յօդոյ փլջմամբ եղեալ՝
որպէս խորան ,

Գմբեթաձև կամարացեալ՝
նման ձեղուան .

Նայնպէս և հողմ' և օդ տխուհալ
տարածական ,

Որպէս յանօթ ինչ՝ ժողովեալ
ի նիւթական .

Չձև առեալ վերինն երկնի
միշտ շրջական ,

Լուսաւորացդ եղեալ սա տուն
և կայարան .

Որում վկայեն գիրք գործոցն
արարչական ,

Թէ եդ զնոսա ի յերկնային
հաստատութեան .

Բայց որոշման սոցա օնդիք՝
են զանազան ,

Չոր մոլորակ առանդքն ունին
ընթացական .

Կօթնատեղեան՝ անուանեցան
սոքա խորան՝ ,

Յամանց դօաիք՝ և պարունակք
պարբերական .

Մի քան զմի են զերազանց
 վերադրական ,
 Եւ ու թերրորդն՝ զունդ անմուլար և
 բարձրական .
 Յոր կերպարանք են կենդանեաց
 երկոտասան ,
 Որովք բոլոր կամարն երկնից յայս
 չափեցան :
 Նոյն և երկրիս հաստատու թեան
 տեղի կալան ,
 Յոր ըստ բնականն զօրու թեան՝
 ազդեն նշան .
 Չի և աշխարհ՝ կերպարանօք
 մարդոյ ցուցան .
 Եւ երկնային բոլորակին
 վիճակեցան :
 Խոյն է գլուխ , որ է աշխարհն
 Պարսկական ,
 Յուլ՝ պարանոցն՝ որ են կողմունք
 Բարեւղական .

Եկաւ որին ձեռքն են և ուսքն
Գամբական,

Ասիւծն՝ սղինն իսկ և կողիցն
Ասիական,

Կոյսն՝ ներքին որովայնին
Ելադական .

Կշիւն՝ որ է կշտոցն երկուց
Վիբիական ,

Իսկ և կարիճն՝ է անդամոցն, ազդ
Կրետական .

Աղեղնաւոր՝ բարձքն և երեք
Իտալական ,

Եւ Այծեղջիւր՝ ծուռնիք երկուքին
Ասորեստան .

Ջրհան՝ սրունքն, է աշխարհին
Եգիպտական ,

Եւ Չուկն՝ թաթք ոտիցն երկուց, է
Հնդկաստան .

Եւ Խեցգետին՝ լանջք՝ կոչեցեալ,
են Հայաստան :

✠

ԳԵՏԱՆԻ

ՄԵԼՏԵՆԻ ԳԵՏԱՆԻ

- Եւ աստիճանքն՝ որ ՚ի նոսա
երեսնական ,
- Աւուրց ամսոյն՝ են զուգաթիւ
և համարան .
- Իսկ բովանդակ կամարն երկնից
համարական ,
- Երեք հարիւր վաթսուն թուով
են աստիճան .
- Սրովք ըստ նոյն թիւ համարոյ
աւուրք ծնան ,
- Յերկուտասան ամիսք տարւոյն՝
որ գոյանան .
- Թողում ըզհինգ թիւ աւելեացն
անքննական ,
- Չի խոր ունի այն՝ տեսու թիւն ըս
մասնական :
- Իարձայց ՚ի նոյն կերպ կենդանեացն
երկուտասան ,
- Եւ զբնու թեանցն ճառեցից՝
նոցա սահման .

Խոյն և Առիւծն և Աղեղնաւորն
են ջերմական ,

Չոր և հրային բնու թեամբն իւրեանց
այրեցական :

Յուլն և Վոյսն՝ և Այծեղջիւրն՝
են ըողական ,

Հով են և չոր և երկրային
ցամաքական .

Եկաւորն Վշիռ և Զւրհոսն՝
են հողմական ,

Երկոտասան կենդանակերպքս
որ կոչեցան ,

Ըստ համարոյ ամսոց տարւոյն
հանդու նական :

Զերմ և կակուղ՝ են բնաւորեալ՝
դալարական :

Խեց դեաինն՝ Վարիճն և Չուկն՝
են ցրտական ,

Գեճ և ջրային են զօրու թեամբ՝
և զովական :

Սոքա չորից՝ տարերց բնու թեանցն
զու գեցան :

Ի յԱրարչէն՝ իմաստու թեամբ
կըշըռեցան :

Աստեղք մոլարք՝ որք ընդ նոսա
միշտ ընթանան ,

Ունակացեալ բնու թեանց նոցին
ղազդու մըն տան ,

Սոքա նման՝ են շինուածոց՝
որպէս ըզտան ,

Որք և անշարժ կան ՚ի տեղւոջըն
յաւ իտեան :

Աստեղք նման՝ ուղեորաց՝
են անցական ,

Որք ՚ի նոսա իջեանին
և ընթանան :

Յորժամ ՚ի նոյն բնու թիւն միմեանց
հանդիպանան ,

Աճմուէնք բարեաց և քաղցրու թեան
տան մեղ նշան :

Իսկ 'ի նոցունց հակառակացըն
պատահման ,

Տուրան ընդ Չերմոյ , չորն ընդ գիճի
խոնաւական ,

Տաւք և հարուածք 'ի յաշխարհի'
են ցուցական .

Ըստ հակառակ բնութեանց նոցունց'
որ զիճական :

Թողից ճառել՝ զերկար սոցին
զազգմանց ըզբան .

Ջոմանց անշարժ ասել նոցա ,
կամ շարժական :

Կամ զոր 'ի մարդն ասեն նըշան , և
կերպարան ,

Թէ 'ի նոցունց՝ կերպ կենդանեացըն
ձև անան :

Իարձայց 'ի թիւ մուրրակացն
'ի յեօթնական .

Որք տանուտեարք՝ եօթանց դարուց
անուանեցան :

Այլ և ըստ աւուրցն շարաթու՝
համարեցան ։

Եւ ըստ պահու ժամուց աւուրց
բաժանեցան ։

Նախ ՚ի ներքին դօտին սկսայց
խոնարհական ։

Որ և երկինք լուսնին ասի ,
և կայարան ։

Սա Սիլինոս՝ անուն կոչի ,
ըստ Յունական ։

Այլ և Ղամար՝ նա անուանի
ըստ Տաճկական ։

Իսկ մեք՝ Լուսին ասեմք սմա ,
ըստ Հայկական ։

Վասն զի՝ լոյս ունի նա յինքն ,
իւր սեփհական ։

Են աստիճանք զնացից նորա՝
յոյժ նրբական ։

Զի նա տեղեաւ մերձ է յերկիրս
և մօտական ։

Ուստի յաւուրս երկուս և կէս
 'ի յընթացման •

Ջկենդանակերպըն կատարէ ,
 և զատարձան :

'Ի քսան և եօթըն թիւ աւուրցըն
 կատարման •

'Իարձեալ 'ի նոյն զայ վերտօին՝
 տեղ ծննդեան :

'Ի քսան և ինն օր և կիսոյն՝
 աւարտական •

'Իարձեալ նորէ զիւր հնու թիւնըն
 մանկական :

Բայց զսմանէ՝ ոմանք ասեն՝
 արք զիտնական •

Թէ ոչ ունի լոյս յինքենէ՝
 իւր բընական :

Այլ հայելի՝ ընդդէմ կացեալ
 արեգական •

Եւ 'ի նմանէ ճառագայթէ
 զլոյսն իւրական :

Այլ մեք ասեմք՝ ըստ սուրբ զրոյ
ճշմարտական ,

Թէ լոյս լուսինն՝ է յինքենէ
արարչական :

Ձի թէ ճճի մի փոքրագոյն
և սողնական .

Ունի լուսիկ՝ տպաւորեալ
ի յիւր տըտան :

Որով զզիրս իսկ ընթեռնուէն՝
ի ժամ մըթան .

Ի կարգ զրոյն՝ զնա տանելով
ի տողական :

Ապա ոչ է զարմանք ասել
զայս մեզ ըզրան .

Եթէ ըզլոյս՝ լուսինն ունի
ըզբընական :

Իսկ որ նշան և զիծ ի նմա
է զրոշմական ,

Այն շուք երկրիս է և ծովու ,
որք կերպանան :

Ձի հայելի է աշխարհիս՝
նա ցուցական .

Նա և երկրի չափ մեծութեամբն՝
ասին ըզբան :

Թէ օրինակ՝ այսմ՝ խնդրես
հաւանական .

Ի քաղաքաց բազմաց ուսի՛ր
տիեզերական :

Ձի յամենայն քաղաք՝ փողոցք
են յոգնական .

Եւ միապէս զնա տեսանեն՝
դէմ՝ յանդիման :

Ի ժամանակս աւուրց տարեաց
է մեզ նըշան .

Եւ որք օգոց փոփոխութեանց
տեղեկանան :

Պատարագք և աղօթիւք՝
առ Տէր կարդան .

Ի բերմանէ չար պատահմանց
զգու շանան :

Եւ որք ՚ի ծով՝ նաւել կամին
վաճառական .

՚ի նոյն տեղւոջ նաւհանգստին
գետեղանան :

Որք ճանապարհ հեռի ունին ,
կամ լեռնական .

Անդէն ՚ի տան զգուշացին
անվնասական ,

Եւ այս նըշան՝ սեռըն սիրոյ
Արարչական .

Ձի ընդունայն՝ մի կորիցին
որդիք մարդկան :

Այլ յանբանս իսկ տեսանի՝
նըշան աճման .

Եւ անկական բնութեանց՝ լինել
այլայլական :

Ձի ՚ի յաճման նորին՝ աճեն
և լիանան .

|| Եւ ՚ի մաշիլըն լուծանին
և թուլանան :

Չնոյն և ՚ի ջուրս տեսանես
առ ծովական :

Որք լիանան և թերանան
նըմին նբման :

Բայց զարմանամ ես՝ ընդ լուսնին
եդեալ սահման :

Որ միշտ աճմամբ և հնու թեամբ
փոփոխական :

Չի օղական նիւթ ամանոյ
է երկբերան :

Որպէս պատեանք զաղտակուրի՝
ըզկարծրական :

Յորժամ երթայ լուսնին մերձ
արեգական :

Նուազու թիւն՝ լինի լուսնոյն՝
ունակական :

Չի զբոլորակ լուսնոյն՝ ունի
վերոյ կողման :

Եւ այն՝ ընդդէմ արեգականն
ի հայեցման :

Իսկ զտառանել՝ նըմին ՚ի բայց
հեռացական .

Յայնժամ լիու՝ լոյսըն լուսնին՝
և մեծանան :

Բոլոր լուսնայն՝ ի ջանելով
ներքնայն կողման .

Եւ ստուերին հարածելով
առ լերնական :

Յորժամ ՚ի ծնունդն իւր՝ երև ի
նորոզական ,

Յարեմտից՝ զհայեց ունի
արեւելեան :

Իսկ յարեւելա՝ ՚ի լըբմանէն
մաշողական .

Առ յարեմուտս՝ զգէմսն ունի՝
զհայեցման :

Ձի կէս գընաին՝ լուսով լինի
այնրմ կողման .

Որ ՚ի լուսոյ արեզականըն
մերձենան :

Եւ որ 'ի միւս կողմն լինի ,
 և դատական :

Առանց լուսոյ՝ նա երևի
 սառեւրական :

Իսկ ըզպատճառ՝ սորին լինել
 խաւարական :

Որ պատահի՝ այնմ ինչ աւուրց
 հնգիտասան :

Յորժամ շիտ՝ միսեանց լինին
 հանդիպական :

Որ առ վերնաւն տրրամադիծն
 և ներքնական :

Յորժամ վեցիւ ք կենդանակօքն՝
 են հեռաստան :

Հարիւր ու թսուեն աստիճանօք՝
 են բացական :

Սուլորական լուսոյն ճղու մն՝
 հիւսիսական :

Որ 'ի ծաղման լուսոյն՝ լինի
 արեգական :

Այն է առիթ լուսոյ լուսնին ,
 և օգնական .

Որ անպակաս՝ միշտ երեւի
 նըշողական :

Իսկ որ երկինսն՝ է անուանեալ՝
 վիշապական .

Մերձ յարեգակն հանդիպի՝
 ըստ պատահման :

Ի մի և նոյն կենդանակերպ
 և յաստիճան .

Ընդ մէջ անկեալ՝ լուսոյ ծագմանն
 արեգական :

Եւ շուք երկրի՝ ՚ի միտջէ
 կողմանական .

Ի հարաւոյ կամ հիւսիսոյ՝
 դիմականան :

Նովաւ ծածկի՝ լոյսըն լուսնի՝
 ծագողական .

Եւ սթացեալ՝ ճառարայթիցըն
 սեանան :

Եւ այս խնամք է Արարչին
խմաստնական •

Ձի մի զաշխարհ՝ կարծեալ տեսցուք,
անապական ։

Արարածոց տալով զփառս՝
Աստուածական •

Հեռանալով՝ ՚ի յերախտեացն՝
անսպառական ։

Այլ զիտելով միշտ զսոսա՝
ճառայական •

Եւ մեզ տուեալ՝ զործ սպասու
ե պաշտաման •

Սոքօք տացուք՝ զփառս Արարչին
անզբաւական •

Եւ մի լիցուք՝ զազիր զործովք,
խաւարական ։

Իսկ առ մերոյ լուսնին՝ երկրորդ
կոչեալ խորան •

Այն որ Եռմիս ասին լեզուաւ,
Հոռոմական ։

Իսկ ՚ի տաճկաց՝ որ Օտարիա
ըզնա կարգան ։

Եւ ըստ Հայու մը Փայլածուն
յարմարական ։

Տասըն ժամու ք՝ կայ առ միում
իսկ տատիճան ։

Եւ տանն ամիս՝ զկենդանալերպսն
երկոտտան ։

Ջերմին և չոր՝ ցրաին և գէճ՝
բնաւորական ։

Ջի աստեղաց՝ բնու թեանց է յոյժ՝
փոխարկական ։

Ուսումնական՝ իմատու թեանց՝
և բանական ։

Գու շակ լինի՝ տեղեկու թեանց
ներվարժական ։

Համարողաց՝ և հնարագործ՝
հանճարական ։

Քըննիչ թուոց՝ և բանահիւս՝
ներտաղանան ։

Իսկ որ ՚ի հետ սորին, գօտին
երրորդական .

Ափրողիտէս՝ է ըստ Յունաց՝
վերակոչման :

Չօհրայ կոչի՝ նա ՚ի յազգէն
որ Տաճկական .

Եւ ըստ Հայու մըս Լուսաբեր
ճարգողական :

Նոյն չափ և նա՝ պատէ գգօտին՝
կենդանական .

Չոր փայլածուն՝ ունի զընթացս
յարմարական :

Սմա բնութիւն՝ ասին լինիլ՝
յոյժ խընդական .

Երգեցողաց՝ և գուսանաց՝
գուշական :

Քաղցր ևղանակ՝ ձայնից հմուտ՝
յոյժ ըղձական .

Եւ մեծագգի՝ կանանց գուշակ՝
պըճնողական :

Թողից և զայլ՝ ասել սըմա՝
 երկայն ըզբան .

Որ ՚ի յանբոյս՝ և բուսականս՝
 է ազգական :

՚Ի չորբորգուժն՝ ելից կամարն՝
 արեգական .

Զոր Ելինոս՝ ըզնա ձայնեն
 ազգն Յունական :

Այլ և Շամբս իսկ անուանեն
 ըստ Արարական .

Որ ՚ի Հայուժս՝ զեղեցիապէս՝
 ստուգարան :

Ոմանք բնութեամբ՝ ասեն սըմա ,
 յոյժ ցրբտական .

Եւ ՚ի յարիւոյն առեալ ըզլոյսն՝
 ըզջերմական :

Եւ յարացոյց սըմին՝ բերեն
 նըմանական .

Զակըն բիւրեղ՝ յորժամ ունիս՝
 յարեգական :

Թեպէտ և ցուրտ՝ է նա բնութեամբըն
յատկականն .

Իսկ ՚ի նմանէ՝ շողն որ կաթէ՝
հուր լուծականն ,

Բայց հաւանիմ՝ ես սուրբ Գրոց՝
Աստուածարանն .

Որ ՚ի Հոգւոյն՝ Սրբոյ խօսեալ՝
մեզ յայտնեցան :

Ձի առաջին՝ լոյսն որ անեղ ,
արարչականն .

Երկրորդ արար լոյս գեղեցիկ՝
և եղականն ,

Եւ ՚ի լուսոյն՝ երրորդ աւուրըն
ցիր և ցանն .

Արկեալ անօթ՝ լուսաւորացող
զանազանն :

Եւ զհրաշատ՝ լոյսըն պայծառ՝
և պարզականն .

Արկեալ անօթըն լուսաստու՝
արեականն :

Եւ ըզմնացեալ՝ լոյսն որ յետոյ՝
այլ թանձրական .

Անոր լըցեալ՝ զանօթ լուսնին՝
որ իզական :

Եւ զայլ աղօտ թանձրատեսակն՝
և մըրական .

Խու մըք աստեղաց են ընկալեալ՝
որք բազմազան :

Իսկ զընթացից՝ լուսաւ որացըդ
շարժական .

Քէմ՝ յարե ելս՝ ասնն զնալ՝
ներհական :

Չի յարե մուտս բերեալ լինի
երկնի շրջան .

Եւ դէմ նմին՝ մոլորակացդ
անմիարան :

Քեզ օրինակ՝ հաւատարիմ
վրկայական .

Մըջիւն եդեալ՝ առ ջրադացին
շրջող երկան .

- Ն^ա շրթ ջեւով արագապէս
անտեսական :
- Մը ջիւնն ընդդէմ նորին զընայ ,
հանդարտական :
- Եւ ՚ի լուսնոյդ՝ այս ցուցանի
Ժամն ընծայման :
- Որ ՚ի կողմանն իսկ ծընանի ,
արեւմտական :
- Եւ երևի զարեւելօք , ըստ
մասին աճման :
- Մինչ ՚ի յաւուրըս կատարման
հնչեառասան :
- Սոյն և ՚ի կարգ հենդանահացըդ
տողական :
- Որ զհեա խոյին՝ կան ՚ի կարդի
յարմարական :
- Եւ արեղակն է ՚ի նոսա
փախիտական :
- Ընդդէմ երկնի ընթանալով ,
դիմակ ընթման :

- Այլ և նշանք՝ յոլովակի
 ներգործական ։
- Ի ժամ ծագմանն տեսանեմք
 արեգական ։
- Ձոր ի Քրիչին բանէ ուսցիտ՝
 աստուածական ։
- Յարեմբտից՝ թէ ամպ ծագէ
 անձրեական ։
- Եւ ըզնչումն՝ որ ի կողմանց
 հարաւական ։
- Խորշակ ջերմոյ լինել նըշան
 և տապական ։
- Եւ ի յամպոյ՝ յամպ մտանելն
 ջերմական ։
- Խոնաւու թեան օդոց ընու թեան՝
 է ցուցական ։
- Այլ և ժամուց՝ ժամանակաց
 է գոյական ։
- Եւ չորեցունց եղանակաց
 փոփոխական ։

Չիւնաբերի՛ր՝ ՚ի ձմեռնային
և սառնական •

Եւ քաղցրաշունչ օդոյ հնչման՝
գարնանական •

Բոցախառնի՛ր և հրատապոյն
ամառնական •

Եւ մեղմախառըն ցրտու թեան
աշնանական •

Աստիճանօք հանգարտ գնացիւ ք՝
արդարական •

Կարգ ըստ կարգի՛ միշտ ընթանան
ըստ մասին աճման •

՚Ի հիւսիսոյ իջեալ ՚ի կողմն՝
հարաւական •

Երկայնու թեամբ՝ ըստու երբ աճին՝
գիշերական •

Սառնամանիք ցրտոյ հընչեն
յոյժ խստական •

Եւ ձիւնաբեր բերմունք լինին
ձրմեռնական •

Իսկ ՚ի դառնալն ՚ի հարաւոյ
խոնարհական .

՚Ի հասարակն երկնի հասեալ
անդ ՚ի խորան :

Հաւասարին ժամք զիշերոյն
և առ ընջեան .

Գարուն լինի՝ զեղեցկու թեամբ
վայելչական :

Անտի ելեալ առ հիւսիսով
որ բարձրական .

Երկայնու թիւն ժամուցն աճեն
տունջենական :

Ամառնային՝ առուրք առնեն՝
և ջերմական :

Տունկք և սերմունք պտղաւէտին
վայելչական :

Սառնամանիք օդոյ՝ առնին
փախատական .

Ներքոյ երկրի տարեալ փակին
անդընդական :

Ուստի աղբիւրք ցըրտին բղխեն
 և սառնական .

Որպէս յաւուր ձմերայնոյ
 է ջերմական :

Որ ջերմութիւն օդոյն լինի
 արդեւական .

Յորժամ յերեսս երկրի շնչեն
 օդք ցրտական :

Է՛ և այլ՝ գործ գեղեցիկ
 արեգական .

Որ բաժանէ զաշխարհս՝ մասուրք
 չորիքտասան :

Եօթն որ յայն կոյս է աշխարհին
 հարաւական .

Չոր այրեցեալ գօտի ասնն ,
 անբնակ մարդկան :

Եօթն է ՚ի կողմրն հիւսիսոյ՝
 շէն բլնական .

Որք զանազան յինքեանս ունին
 ժամք աճական :

Որ առաջին բաժին աշխարհն՝
է Հնդկաստան .

Անդ միշտ և նոյն ժամքըն լինին
երկոտասան :

Որք և լրման իսկ աշխարհի՝
մէջ կոչեցան .

Եւ ՚ի սաստիկ ջերմութենէն
միշտ թըխացան :

Իսկ ՚ի յերկրորդ մասին են ժամք
երեքասան .

Տիւք և զիշերք միմեանց լինին
փոխատրական :

Աստ մինչ ՚ի վեց մասն աշխարհիս
փոխանցական .

Մասունք ժամուց՝ որք անդ լինին՝
եօթնևտասան :

Իսկ առ մասին եօթնաբաժին
հիւսիսական .

Տիւք և զիշերքըն փոխփոխին
ժամուք քըսան :

Երբեմքն տիւք՝ այսչափ աճեալ
երկարանան •

Իսկ զիշերոյն ժամք՝ մինչ ՚ի չորսքն
նուազանան :

Եւ որ ՚ի յայն կոյս աշխարհի
հիւսիսական •

Այն անբընակ ՚ի մարդկանէ
և ցրտական :

՚Ի յեղանակ զարնանային
և ամառան •

Ամիսըս վեց՝ միշտ ՚ի տեղի
անդ տիւ մընան :

Ջի ՚ի խոյէն մինչ ՚ի կըշիւքն
կերպ աշնան •

Արեգականն է բարձրութիւն
հիւսիսական :

Ոչ գոյ տեղի ընդդիմակայ
զերամբարձման •

Առնել ընդդէմ շուք և ծածկոյթ
ըստուերական :

Իսկ 'ի յաւուրս աշնանային
 և ձըմեբան .

Միշտ անդ զիշերք՝ ամիսըս վեց
 երկարանան :

Զի առ հարաւ ցածանալով
 արեգական .

Ոչ ժամանէ անդ առ նոսա
 լուսոյն ծաղման :

Սն է գուշակ թագաւորաց ,
 ազգի մարդկան .

Եւ յանասուես ըզձի հզօր
 և խրոխտական :

'Ի գաղանաց՝ ինձ և առիւծ
 բրդողական .

Եւ 'ի թռչունս՝ զարծիւ և զայլս
 որսորդական :

Այլ և 'ի բոյսս՝ այնք որք պատուով
 իշխանական .

Անուշահոտ ծաղկանց որք կան՝
 'ի բուրաստան :

Իսկ որ ծագումն արեգականն
պատուական .

Խաւարացեալ ժամանակօք
նրսեմանան :

Յորժամ վիշապն 'ի նա մերձի'
'ի յաստիճան .

Եւ անդ լուսնին իսկ հասանէ
ժամ ծընընդեան :

Ընդդէմ լուսոյն անկանելով'
ընդդիմանան .

Եւ ոչ տան թոյլ մեզ երևել
լուսոյն ծագման :

Այլ այս խնամք է Բարձրելոյն
հանճարական .

Որով զաշխարհս այս տեսանեմք
փոփոխական :

Եղեալք պատմեն զփառս Աստուծոյ
անեղական .

Զնա քարոզեն միշտ էապէս'
անեղծական :

Առ մեզ խօսին առանց լեզուի
բարբառական .

Ուսուցանեն առանց բանի ,
անյօղական :

Որ և ՚ի ժամ խաւարելոյն
արեզական .

Եթէ ունէր նա մարդկօրէն
բարբառ և բան .

Աղաղակեալ յերկնից գոչէր
առ ազգ մարդկան .

Ի ու ինձ զիմորդ անուէն ասես
աստուածական :

Որ սպասաւ որ եմ՝ քեզ տուեալ
անլըռական .

Եւ ոչ թիւրիմ ՚ի հրամանէն
արարչական :

Ըզքեզ ՚ի գործ զարթուցանել
լուսով ծաղման .

Եւ ըզգիշեր քեզ առ հանդիսս
պատրաստական :

Դ ձմերայնի՛ սառամբ լինիմ
ես ցըրտական .

Եւ թանձրախիտ ամպով ծածկիմ
զարնանական :

Դ հըրակէզ տապ տոչորիմ
ամառնական :

Եւ ՚ի լուսոյս իմ խառնանիմ ,
լստ պատահման :

Ոչ թէ միայն՝ չեմ ՚ի պատուի
աստուածական .

Այլ և ոչ մարդ եմ կենդանի
և բանական :

Այլ դու հայեան յիս զեղեցիկ
լոյս եղական .

Եւ փառս տեւր Աբարողին
միշտ յաւիտեան :

Եւ հինգերորդ երկին՝ Հրաաին
է կայարան .

Զոր կէսք Արէս և այլք Մառեխ
ըզնա կարդան :

Իսկ մեք Հըրատ նըմին ասեմք
կիզողական .

Ջերմին և չոր և այրեցող
բոցանըման :

Որ ըզգօտին իւր պատելով
պարագրական .

Եւ աւարտէ ըզնա ամիսս
ու թ և տասան :

Օր ընդ կիսոյ կայ յաստիճանն
ընթացական .

Ամիս և կէս առ կենդանեաւ ըն
կատարման :

Չայլըն թողից ասել ըզբան
քննողական .

Յորս և ունի ինչ զուշակմունք
ազգողական :

Վեցերբորդին սկսայց ասել
աստեղ ըզբան .

Որ նա կոչի Չեւս ՚ի բարբառըն
Յունական :

- Եւ ՚ի Տաճկացւն Մուշթարի ,
է շնորհական .
- Եւ Լուսնթագ՝ որ ՚ի յորդանոցւն
Հայկական :
- Չերմ եւ դալար բնութիւն բարի
հաստատական .
- Գուշակ բարւոյ եւ հաւատոյ
գլուխ մարդկան :
- Գինական եւ ուղղախօս
ճշմարտական .
- Եկեղեցեաց եւ սուրբ տեղեաց
աղօթարան :
- Եւ ՚ի բուսոց քաղցր եւ անուշ
ճաշական .
- Եւ յարուեստից թագ եւ պսակ
արքայական :
- Չգօտին պատէ զիւր ՚ի տարին
երկոտասան .
- Իսկ զաստիճանն երկոտասան
աւուրբք լըրման :

Այս գեղեցիկ՝ աստըղ բարւոյ
ազգողական ։

Որ յիմաստնոց բնութիւն սորա
յայս քրննեցան ։

Է ՚ի կամարըն յեօթնեբորդ
՚ի վերնական ։

Ձոր Յոյնք Առօնոս՝ և այլք Ձօհալ
զանուէրն տան ։

Յըբտին և չոր բնութեամբըն չար
և մնասական ։

Գուշակ լուծից և ծերութեան
և տըրամական ։

Ահ և երկիւղ և մահաբեր
կասկածական ։

Եւ այլ բազում մասանց իրաց
զուշակական ։

Պատէ զգօտին ՚ի թիւ տարեաց
երեսնական ։

Եւ զաստիճանն՝ ՚ի յերեսուն
օր ամսական ։

Ո՛չ թէ տարտամ է սա զնայելւք ,
կամ ծանրական .

Այլ յոյժ անբաւ բարձր է երկին ,
սորայն կայան :

Համեմատէ զերկինքս զայս
ըզլուսնական .

Յայն որ կամարն Երեւակին
ընթացարան :

Որպէս և որ քան ըզտարի
է նուազական .

Այնչափ և նուրբ՝ երկին լուսնին
քան ըզնորայն :

Ձնա տանուտէր ասն Գարուն
առաջնական .

Յորում և կեանք՝ մարդկան լինէր
երկարական :

Որպէս վերջին դարուս լուսին
մաշողական .

Որ և նուազ են կեանք մարդկան
սակաւակեան :

Որք այսոցիկ իմաստնարար
հետեւեցան ,

Եւ առ ՚ի սոյն երկասիրել
աշխատեցան .

Ո՛չ ընդունայն ինչ կամ՝ ընդ վայժ
բարբառեցան .

Այլ կըթեւալ յերհամտարար
տեղեկացան :

Չոր ՚ի նոցունց աշխատու թեանց
որք վարժեցան .

Փոքր ՚ի շատէ նըշանակեմ
սակաւ ըզբան :

Մոլորակաց թիւ և անունն
որ ասացան .

Են ՚ի վերոյ և ՚ի ներքոյ
Արեգական :

Այն որ ՚ի բարձր և դերազանց
երկինքն կան .

Նոքա յերկար ամաց սաստիկ
ազդեն նըշան :

Եւ որք ներքոյ՝ և նրբագոյն
շրջին խորան •

Նոքա աւուրց են՝ և ամսոց
գուշակական :

Է՛ և պատճառ մոլորական
սոցա կոչման •

Վասն որք յուղիղ զնացից իւրեանց
յետըս դառնան :

Չի յարեւելոս դէպ ուղիղ
միշտ ընթանան •

Եւ յարեզակին մերձ եղեալ
կրկնին և կան :

Որպէս փոքունք՝ որք արքայի
հանդիպանան •

Անդէն կասին յիւրեանց զնացիցն
և մեղմանան :

Նոյնպէս նոքա ՚ի Լուսաւորին
Մեծ՝ հրպման :

Ի մեծ լուսոյն և հրապայծառ
կան յայրեցման :

Բայց ես և զայս՝ առ ՚ի նոցունց
լուայ ըզրան •

Թէ երկոքին նոքա միմեանց
ներհականան •

Որ լուսընթաց՝ և մուշթարին
է վերնական •

Ձայն ճոխու թեան՝ և մեծու թեան
ասեն նըշան •

Իսկ փայլածուն՝ զոր օտարիա
խոնարհական •

Ձայն հնարագործ իմաստու թեանց
վարժողական •

Սոքա գիմակ գործովք՝ միմեանց
վիճակեցան •

Եւ առ միում՝ անձին՝ սոքա
նչ բնականան •

Ձի մեծու թեան՝ ուսմունքըն չեն
ախորժական •

Եւ նչ ուսմանց՝ հողք աշխարհիա
պատրողական •

Իսկ թէ իւրեանց տուէն զոր ասեն
պատահական .

Մարդն երկոցունց շնորհաց լինի
ասպըն ջական :

Եւ այս պարզեք Բարերարին
առատական .

Որ զարժանիսն ընտրէ 'ի զործ
մարդկան պիտան :

Բայց զի բազումք են այսքմ տէր ,
բայց անարժան .

Ձի աստուծոյ շնորհքն է առատ ,
անզրդջական :

Ե՛ն և այլ աստեղք երկու
ընդդիմական .

Մուշթարին և Լուսաբերն ,
որ է Չօհրայն :

Ձի Լուսընթագն որ 'ի վերոյ
արեգական .

Ձնա սրբու թեան և մաքրու թեան
ասեն իշխան :

Եւ զլուսարերն՝ որ առ ներքոյ
խոնարհական .

Ջայն խնդու թեան և ցանկու թեան
որ մարմնական :

Իսկ ըզպատճառն այսրմ՝ զործոյ
վկայական .

Ո՛չ տարադէպ , այլ մտաւ որ
խորհրդական :

Ձի նա ՚ի վեր՝ առ վերնայինան
յարմարական .

Սա ՚ի խոնարհ՝ երկրաւորացս
տարիտղական :

Բայց աստեղացս՝ որոշ են տեղ
և կայարան .

Ոմանց բարեաց , զայլլս չարեաց
ասեն նըշան :

Ձի որք պըրճեր՝ և կենդանեաց
են կերպարան .

Ձոմանլս տուն նոցին ասեն ,
իւր սեփհական :

Եւ ՚ի տեղի՝ ուր յԱւարչէն
ստեղծեալ եղան .

Չնոյնրն փառաց եւ բարձրութեան
ասեն կայան :

Եւ որք բնութեամբ մոլորակին
հանդիպանան .

Ըզնա բարի եւ շնորհաւոր
ասեն բնական :

Ոմանց սիրոյ տես եւ հայեացք
խաղաղական ,

Չայլս սառնն դէմ՝ եւ անյարմար
վիճողական :

Եւ ապացոյց՝ սորին բերեն
նմանական .

Չոր չէ արժան իսկ աղարտել
ըզնա մարդկան :

Չայն որ ՚ի ասն իւրում լինի
հանդիպական .

Որպէս թէ ոք՝ յիւր բուն երկրին
հաճոյական :

Եւ զոր փառաց եւ բարձրու թեան
ասեն կայան .

Որպէս թէ ոք յիւր^ս հայրենիսն
ըստացական :

Եւ որ բնութեան տեղւոյն կերպին
հանգիպական .

Որպէս քաղաք նորին^ս եւ մերձ
առ ազգական :

Իսկ որ սոցուեց տեղեաց ընդդէմ
պատահանան .

Չնոսին տկար իսկ^ս եւ անզօր
անզործնական :

Այս քեզ սակաւ բան յարտաքնոց
ուսումնական .

Թէ ախորժէ ոք^ս եւ չառնէ
քամահական :

Չի աստեղաց բնութիւն չասեմք
ազատական .

Կամ առ յինքեանց ներզործելով
ի շխանական :

Այլ ՚ի մարդկան պէտքս կազմեալ
 ծառայական •

Եւ յԱրարչին հրամանքս կան
 միշտ անխափան •

Ձի որ ըստեղծ աշխարհս բանիւն
 արարչական •

Ջնոսա ձեռին գործիք ունի
 յարմարական •

Որ արուեստիւ շարժեալ շրջէ
 զգունդն երկնական •

Եւ նոյն շարժմամբ ժամանակաց
 թիւք գոյանան •

Իսկ ժամանակք՝ լուսաւորօքդ
 որք ընթանան •

Որպէս նիւթոյ ինչ տարերացդ
 են գործնական •

Եւ համայնից գոյից տարերքս
 են ճնողական •

Որք կենդանիք և բուսականք
 բաղկացական •

Այս համառօտ ցոյց արուեստին
աստուածական .

Որ զլուսաւորսդ կազմեաց դու ծիք
իւր եղական :

Բայց չէ զարմանք այս՝ տեսանօղ
մըտաց մարդկան .

Թէ 'ի բարձունս երկնից լուսոյ
ծաղկունք ծընան :

Որ զօրու թիւնս ինչ բնաւորեալ
ունին ազգման .

Չոր Աբարիչն եդ 'ի նոսա
յօգուա մարդկան :

Որպէս արմատքս այս՝ որ յերեսս
երկրի բուսան .

Ներգործու թիւնս ունին յինքեանքս
բընական :

Նա և պրտուղք երկրի համալքըն
զանազան .

Ոմանք կապողք են , կաղուղք՝ այլք
և լուծական :

Ոմանք ցըրտինք են այլք քաղցունք
և ջերմական ։

Որք ՚ի տարերց՝ նոյնք զանազանք
որակացան ։

Նոյնպէս ծաղիկք երկրի ՚ի յայս
բնաւորեցան ։

Եւ համօրէն տունկք և արմատքըն
սեռական ։

Ոմանք ցաւոց հիւանդարերք
և մահական ։

Այլք զօրու թեամբ բժշկարար
առողջական ։

Թողից զթռչնոց և զգազանաց
ճառել ըզբան ։

Որք զանազան կերպ և ՚ի բարք
բնաւորեցան ։

Է՛ և ՚ի խունկս ինչ կինաման
զարմացական ։

Որ ըզնմանէ են սքանչելի
բանք ճառական

- Եթէ ՚ի ջուր ինչ կաթ սայից
եռանդնական .
- Արկեալ փոխէ նոյն բնութեամբըն
սառնական :
- Այլ և ՚ի քուն գոլով մարդայ
և թըմրական .
- Մերձ առ շըրթ ունան եղեալ բղետ
բարբառ և բան :
- Այլ և կարծիք ինչ կուսու թեան
յոք լուծական .
- Ջնա ծխելով իսկ ճշմարիտ
անդիկանան :
- Են և այլ և ս ծաղկուք յոլով
զարմանազան .
- Որք զօրութիւնս ինչ սքանչելի
ունակացան :
- Արդ թէ ՚ի բոյս է ինչ բնութիւն
նեբգործական .
- Որք եղծականք են առօրեայք
և անցական .

Ապա և մի լեցի կարծիք
երկբայական .

Թէ զօրու թիւն 'ի լուսաւորագ
են ազդական :

Որ 'ի լուսոյ են և 'ի հրոյ՝
նիւթ պարզական .

Եւ տարերացս՝ որք 'ի սոցունց
են շարժական .

Բայց թէ մասն էր բնաւորեցան
այս առ մարդկան .

Չաշխատու թիւնս այլոց առնն լ
եպերական :

Ես այսմ երեք պատճառ ասեմ
դիպողական .

Եւ դու ուղիղ մտօք լսէ
յօժարական :

Մի՛ թէ կարծիք ինչ է ուսումն
թերու թեան .

Եւ կամ անշահ իսկ աշխատանքն
արքնու թեան :

Երկրորդ թէ ծոյլ իսկ և տարտամ
է կրթութեան .

Եւ ոչ առեալ զուսման ճաշակըն
քաղցրութեան :

Երրորդ մախանք՝ ինչ նախանձու
և հեռական .

Որով մաշէ զհոգին հրով
տոչորական :

Բայց զոր երեցըս կարգեցի
վերջին ըզբան .

Նախ առաջին ըզնոյն ցուցից
քեզ խրատական :

Մի նախանձուն հրով մաշիր ,
կամ տըրտմական .

Մի զընկերաւըն քամահեր
որպէս զանբան :

Մի ըզբարւոյն չար ասասցես
ըզկերպարան .

Մի ըստեղծուած Վեհին տեսցես
որպէս խոտան :

Որպէս ծարաւ աղբեր դիմեա՛ն
յօժարական .

Եւ ըզպասքեալ միտսդ արբուսցես
բանիւք ուսման :

Որպէս լուսոյ ծագման յըստակ
արեգական .

Նոյն ըզհոգւոյդ աչքս բացցես
տեսողական :

Մի՛ յայլասեռ յազգաց դարձեր
խնդրօղդ ուսման .

Մի՛ յաղքատաց մեծամըտիր՝
որպէս իշխան :

Այլ առ ՚ի քեզ որպէս ՚ի փշոյ
վարդ հոտեան .

Թէ՛ զոք անօթ շնորհաց տեսցես ,
և պատուական :

Մի՛ ծուլութեամբ դանդաղեսցիս
որպէս զանբան .

Մի՛ զանդատտան հոգւոյդ թողցես
որպէս խոպան :

Մի ապառաժ՝ զսիրտդ արասցես
բանին սերման .

Եւ մի փշաբեր՝ անտառասցիս
և հեղձական :

Մի ճանապարհ՝ ոտից լիցիս
դու և կոխան .

Ջայս ՚ի բանից փրկչին ուսցիս
առական :

Բայց որ զարուեստս այս նախասանն
իբր անպիտան .

Որ ՚ի մերոցս ազգաց թողեալ
արտաքսեցան :

Եւ այտոցիկ պատճառ ունին
խորհրդական .

Ձի չարաչար ուսմունք յոմանց
խառնակեցան :

Եւ որք յիմար մըտօք սըմին
ծանօթացան .

Նոյնք իմաստուն՝ զանձն և ներհուն
համարեցան :

Ը զտեսութիւն մըտաց ունին՝
յոյժ ակտական .

Եւ ՚ի գրոց սրբոց լուսով
նչ վառեցան :

Սոքօք զանճառ՝ խնամք սիրոյն՝
Արարչական .

Որ արուեստիւ ետ ՚ի բնութիւնս
այս եղական :

Չի ՚ի գոյիցս եղականաց
և եղծական .

ՉԳոյացուցիչն անեղ ուսցուք
անապական :

Չայն աստեղաց բնութեանն ասին ,
յարմարական .

Իշխանաբար զնոյն ներգործել
անբանական :

Այլ և զմերն իսկ շարժութիւն
իշխանական .

Առ ՚ի ներքոյ նոցին կարգել
բնաւորական :

Բայց որ զուռ կան զործւոյն ունին
որսորդական .

Եւ յաղտաղտուկ ծովէ որսան
ինչ պատուական :

Առ 'ի ցամաք տեղի նստին
հանդարտական .

Եւ ըզխոտանն 'ի^ւ տրեն
պատրաստական :

Կամ որ հըմուտք են արուեստից
բըժըշկական .

'Ի յոգնակի ծաղկանց լինին
հաւաքական :

Այլ և զեռնոց թիւնաւորաց
և սողնական .

Խածեալ վիրաց նոցուն կազմեն
գեղ փրբկու թեան :

Որով և դու իսկ իմաստուն
և խոհական .

'Ի յամենայն ուսմունս գտցես
ինչ ուղղական :

- Եթէ յստակ զմիտսդ ունիշիս
տեսողական •
- ՚Ի յախտաւոր բանից մնալով
անցանկական :
- Որպէս ըզլոյս պայծառ ծագեալ
արեգական •
- ՚Ի գարշահոտ տեղիս մնալով
անխառնական :
- Մի որպէս ջուր միտս ստանար
հեշտ լուծական •
- Այլ որպէս հուր հատուցանող
և վերնական :
- Իսկ որք թիւ բեալք բանիւք խօսին
սըխալական •
- Եւ զոր քննեն հչ կատարի
ճշմարտարան :
- Ո՛չ զի արուեստն է անկատար
և թիւ բական •
- Այլ որք կարիւք զանձինս ասեն
դիտողական :

Եւ ոչ իսպառ ժուժկալիցին
 'ի կէտն ուսման .

Այլ զաղիաղիուէն շաղախեցին
 իսկ անալիտան :

Կամ 'ի համար հաշւոյն եղին
 մոլորական .

Կամ 'ի զիտնոց ոչ վարժեցան
 ընտրողական :

Մանաւանդ՝ ուսուցմականք
 որ այժմըս կան .

Նախ քան զըսկիզբն համարին
 զի տեւ զվախճան :

Յաշակերտաց կարգէ լինին
 փախըստական .

Եւ բարունիք անուամբ շրջին
 յոյժ պերճական :

'ի յերկասէր քրքրտանց մընան
 ունայնական .

Եւ վաստակոց պըտոյն ցանկան
 առանց սերման :

Որ և յիմաց բանից դատիմ
անօգտական ։

Եւ անպատճառ լիզուաւ լաւմ
անձայնական ։

Ձի զժամանակս իմ կորուսի
յոյժ անպիտան ։

Եւ վաստակոց մըշակ եղէ
անշահեկան ։

Չմասուենս հոգւոյ ունայն թողի
անզարգական ։

Եւ ըզմտացս աղբիւ թ խցի
առանց բըղխման ։

Ձի որք արեան են մերձակայք ։
և ազգական ։

Ձիս ստիպէին ՚ի հոգս ունայն
աշխարհական ։

Յոր փուլ թային նոքա՝ չեղէ
ինչ օգնական ։

Եւ ոչ սրտիս իմ բողձանաց
նոքա նըման ։

Ձի որ մարմնոյ էր ցանկալիք
նոցայն էր ջանս .

Եւ ինձ թողուլ զայնպիսի փոյթ
սիրել ըզբանս :

Նոքա սրբախի իմ տենչանաց
ոչ ըղձայանս .

Եւ ես նոցունց հետեւելով
եղէ անբանս :

Ձի 'ի յերկրիս , յորում էի
տրեկոյ նրման .

Սոցա պրտուղ իմ վաստակոցն
էր անպիտանս :

Եւ որք պտղոյն քաղցրաճաշակ
ոչ բաղձանանս .

Եւ ոչ 'ի տունկն իսկ զթալով
տանին դարմանս :

Վասն այնորիկ բարձի թողի
զճաշակն ուսմանս .

Եւ զանձն 'ի դործ ետու հոգոց
աշխարհականս :

Թեպէտ անձուկ սրտիս՝ նեղէր
տաղնապսիան ,

Եւ ՚ի խորոց սրտէ՝ հնչէր ձայն
հառաչման .

Այլ որ ՚ի դէպ՝ հասակն ուսման ,
եւ մանկական ,

Երբէք և ոչ ինձ պատահի՝
քանզի անցան . *

Այլ առ ՚ի նոյն սիրով դառնամ ,
յոյժ ըղձական ,

Եւ զերկնային զարդուն ճառեմ
ներբողական ,

Չոր առ տեղեաւն՝ քեզ ծանուցի
բանք մարմնական .

Չնոյն եղանակ՝ առ իսխեցից քեզ
հոգեկան :

Ո՛վ սքանչելի ձեզուն յարկի՝ այս
մեծի տան ,

* Պակասին ՚ի Չեռագրին

Ի Բարձրելոյն բանէ ձգեալ
որպէս խորան .

Երբակի սեռից ազանց
ժողովարան ,

Որք ՚ի ծոց քո պարուհակին՝
խրախճանական .

Դ՛ռ յարկ Մեծին ձեռամբ շինե
արքայական ,

Ջահք ՚ի բարձանց՝ ՚ի քեզ կախեալ
անշիջական :

Դռ անթառամ՝ ծաղկանց՝ բուսոյ
մեծ բուրասան ,

Որք յանդատան քո զեղեցիկ՝
ծաղկազրեցան .

Ոչ թէ միայն՝ քո պարանոց
զարդարեցան ,

Այլ բովանդակ մարմին և անձն
չքեղացան :

Յոյժ մեծութիւն՝ քո հրաշադեղ
անչափական .

Հանդերձըս նուրբ՝ և պատմու ճան՝
քեզ կարգեցան :

Ոչ թէ միայն՝ կրկին ակուենք
որք ճոխացան :

Այլ յոգնակի ակուենք լուսոյ
շարագրեցան :

Եւ մարգարիտըս լուսափայլ՝
որք յեռեցան ,

Ընդ զիշերոյ սպիտակափայլ
ջահ ճախրական ,

Իսկ ՚ի սուէ՝ բազմափայլիւն
բոց կայծական :

Յոր զիշերոյն աղօտ փայլուենքըն
ծածկեցան :

Դու անբարբառ , և միշտ լինիս
պատմողական ,

Ջքո զեղեցիկ Յօրինողէն՝ որ
անսահման :

Չայս վկայէ մեծին Դաւթի
Սաղմոսարան ,

- Եւ Առաքեալն սուրբ Պօղոս
զարմանական :
- Դու վարդապետ մեղ ուսուցիչ
անխօսական ,
- Ի քեզ ունիս տառք լուսեղէն՝
ընթերցական :
- Տառք քո խօսուէնք՝ մեզ խրատիչ՝
անձայնական ,
- Որք են մատանց զործ Բարձրելոյն՝
անհասական :
- Դու օրինաց տախտակ զրոյն՝
որ բընական :
- Զոր ընթեռնումք հասարակաց
որդիք մարդկան ,
- Ի շարժմանէդ մշտախաղաց
անկայական ,
- Զանշարժելին շարժօղ բնաւիցս
որ այժլմ կան :
- Յարարածոցդ համազումար՝
որ տարրական ,

Չարուեստաւ որն՝ որ հրանիւ թիցն
անտեսական .

Դու խրատիչ մեզ յաշխարհի ,
և վարժարան .

Որ իմաստուն զմեզ յօրինես՝
և բանական ,

Դու 'ի ծոց քո՝ զմեզ ամփոփես
ծնողանբման .

Բղխմունք բարեաց՝ մեզ ընծայես
փարթամական .

Դու մեզ դայեակ՝ դաստիարակ
որպէս մանկան ,

Ժամանակաւ ըզմեզ խրատես
սաստողական .

Հրոյ ցոլմունք կայծակնաթափ
փայլատական ,

'ի ծոցս ամպոյ՝ հողմով հոսեալ
հուր կիզական ,

'ի ճընշմանէն՝ սաստիկ փայլեալ
նիւթ կայծական ,

- Եւ պատառմամբ՝ թնդմամբ՝ որոտ
ընդոտականն ։
- Իսկ Լուսաւորն փոքր՝ իշխան
զիշերականն ։
- Խաւարային ժամունն ՚ի լոյս՝ մեզ
սիրտիականն ։
- Սա գօրինացըն հընոյ բերէ
ըզկերպարանն ։
- Որ Մովսիսիւ տուան ազգին
Խորայէլեանն ։
- Լոյս զիշերոյ՝ ժամանակին
աղօտականն ։
- Մինչ դեռ ծագեալ չէր՝ Արեգակն
Արդարութեանն ։
- Լուսինն, որ ոչ կարէ ծագել
լոյս հանրականն ։
- Այլ զիշերոյ մասին նուազ
փայլողականն ։
- Նոյն և օրէնքն՝ որ տուան տոհմին
Աբրահամեանն ։

Ոչ օգնէին , այլ՝ յայտնէին
զմեղս մարդկան :

Այլ և աստեղք համազուամար
շարունական ,

Որք ընդ լուսնին՝ խումբք և կաճառք
են յոգնական :

Չմարգարէից դասքն երջանիկ՝
որք մաքրեցան ,

Ընդ օրինացրն՝ լուսատու
մարդկան տուան :

Աստեղք ճեմեն՝ յերեկոյին
ժամուն սկըման ,

Կարգ ըստ կարգի՝ խաղան ՚ի լոյս
առաւօտեան :

Մինչ Արուսեակն՝ առաւօտուն
լուսոյն նըշան ,

Որ աւետիս տայ՝ գալստեանն
արեգական :

Այսպէս և սրբք մարգարէիցն
որք ընտրեցան ,

'Ի Սուրբ Հոգւոյն՝ Ճրարուէք լուսոյ
շնորհաց լույսան .

'Ի Մովսիսէ՝ մինչ 'ի յՕծեալն՝
Աստուած ըն Բան ,

'Ի խաւարի կռապաշտութեան՝
լոյս ծագեցան ,

Տանն մեծի՝ այսմ աշխարհի՝
որ զգացական ,

Պատգամախօսք և լուսարեւք
առաքեցան :

Սոքա զխորհուրդ՝ անպարագիծն
Աստուածութեան ,

Յոգիս մարդկան նըշու լեցին
լուսոյ նըման .

Մինչ Արուսեակն՝ Արեգականն
Արդարութեան ,

Հին օրինացն Աւարտողին՝ նորոյս
Սկըզբման .

Սա Յովհաննէս է ամլորդին
Չաքարիեան ,

Որ կարապետ՝ Աստուածորդւոյն
էր դալտեան .

Նոյն և ճրագ՝ շնորհօք վառեալ՝
օրինական ,

Մխիթարիչ խոր դիշերոյն
և թախծական .

Եւ դիշերոյ հաւ քաղցրախօս
և զուարճական ,

Զարթուցանօղ մարդկան՝ ՚ի քնոյ
թմրողական :

Դարձեալ և այլ քեզ օրինակ
յարմարական ,

Անմեղ մարդկան՝ որք և մեղօք
խաւարական .

Սա յարեւելս՝ զոլով բոլոր
խակ ՚ի լըբման ,

Եւ առ սակաւ սակաւ խաւար
փոխարկական .

Իսկ յարեմուտս կոյս՝ բոլոր
լուսոյն ունայն ,

Առ փորք փոքր՝ աճմամբ 'ի լոյս՝
զուարթական :

Նըմանապէս՝ մինչդեռ է մարդն
անմեղական ,

Արդարութեան գործովքն 'ի լոյսն
է հոգեկան :

Իսկ թէ մեղացն ըստուերք 'ի նմա
հըզօրանան ,

Արդարութեան լուսոյն նշոյլք
տրգեղանան :

'Ի կատարեալ բարւոյն լինի
նա լուծական ,

Եւ հեշտութեան ախօհեցըն մուտք
'ի նմա բանան :

Անդէն բոլոր մասունք հոյւոյն
տրգեղանան ,

Եւ յարեմուտս կոյս՝ լինի
դիմեցական :

Իսկ թէ ծագէ 'ի նմա շընորհքըն
զըղջական ,

- Մինչ գեռ ՚ի մէջ մեղաց՝ նստի
վարանական .
- Ըզ չարաչար մեղսն լինի
նա խոստովան ,
- Եւ յառաջին փառացն զայ
ի կերպարան :
- Այս քեզ դպրոց ալֆալիտաց՝
որպէս մանկան ,
- Ի յանրարբառ տառիցն երկնից
նըշան ուսման .
- Այլ և զպայծառ լուսոյն աղբիւր
միշտ հոսական ,
- Ըզ գեղեցիկ ակն աշխարհի
լոյս ցուցական .
- Չնա ՚ի կամարըդ քո բերես
ջահ փայլական ,
- Որ գկերակուրն հրոյ բաշխէ
բնաւից պիտան :
- Սա մեզ խրատ օրբատօրէ
քարոզական ,

Ըզմահ և զկեանք օրինակէ
զէմ յանդիման .

Առաւօտուն ծաղմամբ ըզճնունդ ըն
մայրական ,

Երեկորին թաղմամբ՝ ըզմուան
ի զերեզման :

Սա զօրինակ բերէ Լուսոյն
անեղական ,

Որ ՚ի ծոցոյ Հօր՝ է Ծընունդ ,
Որդի և Բան .

Յարևելից զեղով ծագէ
փեսայական ,

Արադապէս ընթացս առեալ
հրակայական :

Չարեզական արդարու թեան
պատմէ ըզբան ,

Չաննիւթ լուսոյն մեզ քարոզէ
լոյս եղական .

Սա ծագելով յարևելից
լուսոյն կողման ,

- Որպէս ծննդեամբ Քան ՚ի Հօրէ
անճառական .
- Սա նիւ թական՝ օգուլ լինի
պարագրական ,
- Որպէս աննիւ թ՝ լոյսըն մարմնով
ընու թեամբ մարդկան .
- Սա ստեղծական լոյս համասփիւռ
անմարմնական ,
- Որ օգային՝ մարմնոց եղև
պարունական .
- Ո՛չ ՚ի բնու թիւն՝ ինչ փոխեցաւ
այլանըման ,
- Այլ յոր յառաջն էր՝ անմարմին
և սկզբնական .
- Նոյնպէս ծընունդըն Հօր Որդի
որ լոյս և Քան ,
- Ի յարգանդի Առսին մարմին
առ թանձրական .
- Սա է Աստուած՝ պատճառին Հօր
նոյն էական ,

- Նոյն է և մարդ՝ որդի Կուսին
 ծնունդ մայրական :
- Եւ որպէս լոյսն անկեալ յանօթ
 արեգական ,
- Ոչ թէ կրկին զնա անուանեմք
 բաժանական ,
- Այլ մի և նոյն իսկ տեսանեմք
 անզատական :
- Զլոյսն անմարմին՝ և զիւր անօթն
 որ օգական ,
- Նոյնպէս իրաւացն Հօր Ծաղումն
 և կերպարան .
- Որ ՚ի Կուսէն՝ գգեցաւ զկերպ
 ծառայական ,
- Ո՛չ թէ երկուս որդիս ասեմք
 կամ կերպարան .
- Այլ մի և նոյն՝ խոստովանիմք
 զԱստուածըն Բան :
- Եւ որ ունէր՝ գրնութիւնն
 Հօր հասարական ,

Նոյն և ըզդէմ՝ առանձնակի
և յատկական .

Նա ինքն էառ ժամանակաւ
ընու թիւն մարդկան ,

Այլ և ըզդէմ ճշմարտապէս
առանձնական .

Այլ ոչ յերկուս իսկ բաժանի
ընու թեանքն բան ,

Եւ ոչ կըրկին՝ ասել ըզդէմն
որոշական :

Այլ մի և նոյն՝ է մարմնացեալ
Աստուած ըն Բան ,

Բնու թեամբ , դիմաւ , առանձնու
թեամբքն միական :

Ո՛չ անմարմին ընու թիւն եղև
այլայլական ,

Եւ կամ մարմնոյ՝ ինչ թանձրու թե՛
փոխարկական .

Այլ կատարեալ ընու թե՛ց երկուց
նոր խառնըման ,

Միաւորեալ անհղապէս
անճառական :

Մարդ լինելով՝ բոլորովինք
Աստուածըն թան ,

Եւ ըզրնու թիւնն իւր՝ պահելով
անշիտթական .

Աստուածացեալ բոլոր բնու թիւնն
Ադամական ,

Եւ զգայու թիւն իւր՝ ոչ թողեալ
ըզթանձրական :

Լէր ճշմարիտ՝ և բարեխառ
ուղղադաւան ,

Եւ յերկոսին սիւն հաւատոյն
հաստատական .

Որպէս թռչունք՝ երկու թևօք
յօդ սըլանան ,

Արագապէս՝ զօդըն հերձեալ
բարձր ընթանան .

Եւ որպէս մարդ՝ որ կենդանի
և բանական ,

- Յերկուց ոտից՝ կայ հաստատուն
անխաղաղական ,
- Այսպէս և դու՝ զքան հաւատոյն
տնօրինական ,
- Այս երկուքումք՝ բարեպաշտան
փառատրական :
- Ըզմի բնութիւն խոստովանել՝
ըստ միութեան ,
- Ոչ ուրանալ՝ յորոց եղևն
ըստ դոյութեան .
- Այլ զի յերկուց կատարելացըն
միական՝
- Ոչ բաժանել , ոչ խառնակել
շքիտութեան :
- Լեր զեղեցեկ զենուոր ալի
հըսկայական ,
- Եւ զերկոսին զէնա ըզգեցիւր
անսխալական :
- Ի թշնամեաց՝ յոր պատահիս ,
մարտ խմբական ,

Ըստ պիտոյից՝ արկցես 'ի դործ
զխարդական .

Ըզճանապարհ ուղիղ զնասցես
արքունական ,

Ջի յերկոսին կողմանք են
փուշք խոցոտական :

Որպէս կամուրջ՝ վերայ գետոց
յորդանոսան ,

Ջառ 'ի վերայ՝ նոյն և ներքոյ՝
ջուր հեղձական .

Այլ դու զմիջինն՝ ընթանալով
նքրակածան ,

'ի յերկոցունց կողմանց մնասցես
անվնասական :

Մի բաժաներ՝ զընութիւն Քանին
որոշական

Ըստ Նեսաորի չարախառի
վառթարն ուսման :

Ոչ 'ի մարմին՝ բանին բնակել
նախասեղծական ,

- Եւ շարայար՝ ասել ընու թիւնք
 բաժանական :
- Մի՛ զկիրս և զգործս ինչ իմասցիս
 երկազաւան ,
- Աստուածու թիւ և մարդկու թեանն
 զանազան .
- Այլ մի և նոյն՝ իսկ իբրրկագործ
 անօրինական ,
- Ջոր իւր մարմնովքն կատարեսց
 Աստուած ըն Բան .
- Որպէս և իւր է իսկ մարմինն
 անգատական ,
- Նոյն է և կիրք մարմնոյն՝ և իրք
 ներգործական :
- Որպէս և մահ խաչին , զոր կրեսց
 անարգական ,
- Ըզջար շարանս մարմնոյն , զխոցու մըն
 գեղարդեան ,
- Աստուածու թեանն ասան լստահ
 անխուովական .

Ձի և Աստուած մարմին առ Բանըն
խառնըման ,

Որպէս Աստուած , է ինքն և մարդ
համանգամայն .

Ոչ ոմն Աստուած՝ և ոմն մարդ
բաժանական .

Նոյնպէս և կիրք նորին և դործք
անօրինական ,

Աստուած այինք և մարդայինք ,
որք միացան :

Ոչ թէ օտար է ի Բանէն
դործք մարմնական ,

Ոչ առանձին՝ և դատ են ողբքն
աստուածական .

Այլ զմարդկայինն՝ աստուածային
լեր խոստովան ,

Եւ զաստուծոյն իսկ ճշմարիտ
ներմարդկական .

Մի՛ զբարձրագոյն բանս սուրբ դրոց
աստուածաբան ,

- Զայն Աստուծոյ տացես միայն
 իւր սեփհական .
- Եւ մի ընդդէմ՝ նորին՝ զգրեալս
 խոնարհական ,
- Զայն մարդկու թեան ասեր լինել
 յարմարական :
- Այլ մի և նոյն լինել Բանին
 բնու թեամբ մարդկան ,
- Բարձրացուցիչ բանք՝ և գրեալք
 նու աստական :
- Մի ըզբնու թիւն Բանին տացես
 սրխալական ,
- Առ ՚ի յեզուլ՝ կամ շքիթիլ
 խառնական .
- Ո՛չ համազոյ ասել Բանին
 զմարմին մարդկան ,
- Ո՛չ ըստ բնական զոյացու թեանցըն
 յասկական .
- Այլ ընդ բանիւ՝ միաւ որեալ
 անճառական ,

Որ առ մարմին իւր՝ յարգանդին
 'ի կուսական .
 Բանըն յղացեալ՝ յարգանդ կընծն
 իննամսական ,
 Ըստ օրինի որդւոց մարդկան
 հասարական .
 'Իսկ 'ի Կուսէ՝ առանց սերման՝
 անապական ,
 Որ յայնապէս է գօրութիւն
 աստուածական .
 Յորովայնի Կուսին մարմին առ
 նիւթական ,
 Բայց 'ի Հօրէ՛նչ մեկնեցաւ
 Աստուածըն Բան :
 Մարմին հոգւով՝ միաւորեալ
 միաք բանական ,
 Ձի բոլորովն՝ աստուածասցին
 որդիք մարդկան :
 Նա Մայր միայն ունի յերկրի
 իւր ստեղծական ,

Ձի մեք կայցուք՝ Հայր 'ի յերկինս
անեղական :

Նա կոչեցաւ Որդի մարդոյ
տընտեսական ,

Ձի մեք զԱստուած՝ Հայր կոչեցուք
մեզ շնորհական :

Թշուառեցաւ նա ութօրեայ ըստ
ուխտին եղման ,

Մեզ հոգեոր թրխատու թիւն
տալ մաքրական :

Քառասնօրեայ եկն 'ի տաճարն
աւուրց լրման ,

Ըստ օրինացն Մովսիսի
որպէս գրեցան :

Պատարագօք ընծայեցաւ
Տեառն յանդիման ,

Հօր 'ի բարձունս՝ ընծայելով
զբնու թիւն մարդկան :

'Ի յեղիպատս՝ Յովսէփ տանէր
փախտական ,

- Ձկն ապաշտու թիւն առնել անախ
 հալածական .
- Մանուկն աճէր և զօրանայր ըստ
 կարգի աճման ,
- Ձոր օրինակ ' նիւթ ըզգալի
 արեզական ,
- Որ առ սակաւ սակաւ ծագէ
 զլայն իւրական .
- Նոյնպէս և Քանն' ընդ հասակին
 իւր մարմնական ,
- Ձաստուածային փառացն փայլէր
 դիրկական :
- Որ կերակրօք յանձն առ սընունդ
 արդայական ,
- Նոյն պարզեւեաց մեզ կերակուր
 ըզհոգեկան :
- Ձամս երեսուն ծածկեաց ըզփառան
 առտուածական ,
- Գայ մկրտիւ առ Յովհաննէս
 Ի Մրգանան .

Ինքն քաղցեալ՝ և ժուժկալեաց
համբերական ,

Զանժամ ճաշակն բժշկեաց
զանժուժական .

Նոյն և փորձի՝ ի փորձողէն
անյաղթական ,

Զի զՆախահայրն՝ յաղթող ցուցցէ
և զօրական :

Ինքն էր Աստուած՝ համայն և մարդ
ճշմարտական ,

Որ ի քաղցնու ըն՝ ոչ ճաշակէր
անժուժական ,

Եւ ճաշակէր առանց քաղցի
իշխանական .

Զի կամաւոր՝ ցուցցէ զկիրան
և փրկական ,

Թէպէտ քաղցեալ՝ որպէս զմարդ
կերակրական ,

Իայց զքաղցուն՝ ժամն անցուցեալ
Աստուածական ,

- Յերեւելիսդ մի կացցես
 դայթակղական ,
- Այլ ամբարձցիս՝ յիմանալիս
 գերունական :
- Վաստակեցաւ յուղի գընալովն
 աշխատական :
- Այլ ՚ի վերայ ծովու քայլէր
 թեթեական .
- Օտարաւեցաւ այն՝ որ ծովու
 եզեալ սահման ,
- Այլ ինքնակամ՝ ետ մեզ զջուր
 կենդանական :
- Գահաւիժեալ լինէր յազգէն
 ՚ի Հրէական ,
- Բայց ՚ի միջոյ նոցունց զնայր
 յող վերնական .
- Ննջեաց քնով՝ ըստ օրինի
 որդւոց մարդկան ,
- Այլ արթնու թեամբ՝ սաստիալ
 ալեացն տայ հրաման :

Տգիտացաւ նման մարդոյ
անգիտական ,

Այլ առ յապայ տուօղ բնու թեմ
է գիտու թեան .

Եւ տրամեցաւ կրիւք բնու թեմ
Ադամական ,

Ձի գորտմու թիւն մեր դարձուսցէ
յուրախական .

Այլ վերստին տաւ մեզ զՌրախտն
անմահական ,

Յոր ճսխանայր Ադամն Հին
անդ փախկական ,

'Ի սիրելւոյն արտասուելով
առ գերեզման ,

Աստուածարար կոչեաց զմեռեալ
չորեքօրեայն .

Արտասուելովն՝ եցոյց առ մեզ
գու թ սիրական ,

Ջնջեաց զարտօսր յերեսաց
մեր ամենայն :

Ապտակեցաւ ՚ի ծառայէն ձեռաց
 ս · եղծման ,
 Ծառայ առնել մեր գրանսարկուն
 ետ մեզ հրաման .
 Թուք ընկալաւ ՚ի բերանոյ
 պղծոց մարդկան ,
 Եւ փչեաց ՚ի դէմս մեր զհոգին
 Աստուածական :
 Բեւեռեցաւ ՚ի յանիծ ից փայտան
 մահուան ,
 Գնելով զմեզ ՚ի յանիծ իցն
 օրինական .
 Մեռաւ մարմնով մահկանացու
 բնու թեամբ մարդկան ,
 Մեռոյց ՚ի մեզ մահն՝ մահուամբբն
 անմահական .
 Թաղեցաւ յերկրի մարմնովն
 ՚ի գերեզման ,
 Իսկ միութեամբ Բանին մնալով
 անապական :

Էջ ՚ի գժոխս՝ մերով հոգւ ուլս
 բանական ,
 Որ ընդ բանին էր միացեալ
 ազատական :
 Երեքօրեայ՝ իսկ յարուցեալ ըստ
 բանին խոստման ,
 Չյարու թեան տարով մեզ յոյս
 անապական :
 Համբարձաւ տա Հայր ՚ի փառան
 իւր սեփական ,
 Չմեզ ընդ իւր փառաւ որիւ
 անգու զական :
 Նոյն հայրենի փառօք զալոց
 է ՚ի վախճան ,
 Բնաւ կենդանեաց և մեռելոց
 ՚ի դատաստան :
 Ոմանք ՚ի հուրն իսկ առաքին
 անշիջական ,
 Եւ այլք ՚ի փառս անպա սու մս
 անզրաւական :

Յայնժամ զքեզ իսկ պատուեսցէ
 Սիրողէ զբան ,
 Եւ զթու թեամբ իսկ հայեսցի
 յանձնս անարժան .
 Եւ որք սիրով՝ յայսմ բանից
 ինչ վարժենան ,
 Նորքա՛ ի փառս՝ աջակողման
 պայծառանան .
 Ձի ընդ Սրբոցն՝ արժանացեալք
 գումար լրման ,
 Երբորդու թեանն տալ զփառս
 միշտ անվախճան .
 Ընդ որս եւ ես՝ փայտս անտառի
 եւ գօսական ,
 Երգեմ զփառս Աստուածու թեան
 անլուական :

Վ Ե Ր Զ

